

შპს “NUTSGE“

მცირე და საშუალო საწარმოებისთვის ფინანსური ანგარიშგების საერთაშორისო
სტანდარტების (მსს ფასს-ის) მიხედვით მომზადებული

ფინანსური ანგარიშგება

2024 წლის 31 ივლისით დასრულებული საანგარიშგებო წლისათვის

სარჩევი

მოგება-ზარალის და სხვა სრული შემოსავლის ანგარიშგება.....	1
ფინანსური მდგომარეობის ანგარიშგება	2
კაპიტალში ცვლილებების ანგარიშგება	3
ფულადი ნაკადების ანგარიშგება	4
ფინანსური ანგარიშგების განმარტებითი შენიშვნები	5
1. ზოგადი ინფორმაცია	5
2. მომზადების საფუძველი	5
3. ფუნქციონირებადი საწარმო.....	6
4. მნიშვნელოვანი სააღრიცხვო პოლიტიკები.....	7
5. შეფასებები და დაშვებები	16
6. ამონაგები	16
7. გაყიდული პროდუქციის თვითღირებულება	17
8. რეალიზაციისა და დისტრიბუციის ხარჯები	17
9. ადმინისტრაციული ხარჯები	17
10.არასაოპერაციო (ხარჯი)/შემოსავალი.....	18
11.მოგების გადასახადი.....	18
12.ძირითადი საშუალებები.....	19
13.მარაგები	20
14.სავაჭრო მოთხოვნები და გადახდილი ავანსები	20
15.ფულადი სახსრები და მათი ეკვივალენტები	20
16.სესხები	21
17.სავაჭრო და სხვა ვალდებულებები	21
18.მიღებული ავანსები	21
19.საწესდებო კაპიტალი.....	22
20.დაკავშირებულ მხარეთა განმარტებითი შენიშვნები.....	22
21.პირობითი ვალდებულებები	23
22. საოპერაციო გარემო	24
23.ფინანსური ანგარიშგების დამტკიცება	244

შპს „NUTSGE“

მოგება-ზარალის და სხვა სრული შემოსავლის ანგარიშგება

2024 წლის 31 ივლისით დასრულებული საანგარიშგებო წლისათვის
(ცხრილში ციფრები მოცემულია ლარში)

	შენიშვნა	2024 წელი	2023 წელი
ამონაგები	6	20,982,557	18,402,540
გაყიდული პროდუქციის თვითღირებულება	7	(18,254,549)	(15,384,547)
საერთო მოგება		2,728,008	3,017,993
რეალიზაციისა და დისტრიბუციის ხარჯები	8	(925,833)	(751,886)
ადმინისტრაციული ხარჯები	9	(1,736,104)	(1,924,024)
საოპერაციო საქმიანობიდან მიღებული მოგება		66,071	342,083
არასაოპერაციო (ხარჯი)/შემოსავალი	10	(101,974)	159,729
ფინანსური ხარჯი	16	(862,599)	(714,368)
ფინანსური შემოსავალი	20	57,091	56,323
საკუროსო სხვაობიდან მიღებული წმინდა მოგება/(ზარალი)		(332,033)	127,864
ზარალი დაბეგვრამდე		(1,173,444)	(28,369)
მოგების გადასახადი	11	-	-
წლის ზარალი		(1,173,444)	(28,369)

ფინანსური ანგარიშგება მომზადებულია და ხელმოწერილია შპს „NUTSGE“ ხელმძღვანელობის მიერ

მამუკა ბერიაშვილი

დირექტორი

თარიღი 17.04.2025

5-24 გვერდებზე მოცემული შენიშვნები წინამდებარე ფინანსური ანგარიშგების განუყოფელ ნაწილს წარმოადგენს.

შპს „NUTSGE“

ფინანსური მდგომარეობის ანგარიშგება

2024 წლის 31 ივლისით დასრულებული საანგარიშგებო წლისათვის

(ცხრილში ციფრები მოცემულია ლარში)

	შენიშვნა	2024 წლის 31 ივლისი	2023 წლის 31 ივლისი
აქტივები			
გრძელვადიანი აქტივები			
ძირითადი საშუალებები	12	1,498,990	1,334,676
არამატერიალური აქტივები		5,534	-
გაცემული სესხები	20	370,910	363,200
სულ გრძელვადიანი აქტივები		1,875,434	1,697,876
მოკლევადიანი აქტივები			
მარაგები	13	1,488,931	1,269,488
სავაჭრო და სხვა მოთხოვნები	14	1,210,383	2,259,319
გადახდილი ავანსები	14	340,067	542,570
საგადასახადო აქტივები		-	23,846
მისაღები პროცენტები	20	3,332	-
ფულადი სახსრები და მათი ეკვივალენტები	15	300,714	310,258
სულ მოკლევადიანი აქტივები		3,343,427	4,405,481
სულ აქტივები		5,218,861	6,103,357
კაპიტალი და ვალდებულებები			
კაპიტალი			
საწესდებო კაპიტალი	19	916,812	916,812
დაგროვილი ზარალი		(4,049,422)	(2,875,978)
სულ კაპიტალი		(3,132,610)	(1,959,166)
გრძელვადიანი ვალდებულებები			
გრძელვადიანი სესხები	16	4,415,391	4,305,124
სულ გრძელვადიანი ვალდებულებები		4,415,391	4,305,124
მოკლევადიანი ვალდებულებები			
მოკლევადიანი სესხები	16	1,797,703	1,527,810
სავაჭრო და სხვა ვალდებულებები	17	747,197	619,468
მიღებული ავანსები	18	519,725	1,321,857
გადასახდელი პროცენტი	16	827,086	288,264
საგადასახადო ვალდებულებები		44,369	-
სულ მოკლევადიანი ვალდებულებები		3,936,081	3,757,399
სულ ვალდებულებები		8,351,471	8,062,523
სულ კაპიტალი და ვალდებულებები		5,218,861	6,103,357

5-24 გვერდებზე მოცემული შენიშვნები წინამდებარე ფინანსური ანგარიშგების განუყოფელ ნაწილს წარმოადგენს.

შპს „NUTSGE“

კაპიტალში ცვლილებების ანგარიშგება

2024 წლის 31 ივლისით დასრულებული საანგარიშგებო წლისათვის
(ცხრილში ციფრები მოცემულია ლარში)

	შენიშვნა	საწესდებო კაპიტალი	დაგროვილი ზარალი	სულ
2022 წლის 31 ივლისი	19	916,812	(2,847,609)	(1,930,797)
მიმდინარე წლის ზარალი		-	(28,369)	(28,369)
2023 წლის 31 ივლისი	19	916,812	(2,875,978)	(1,959,166)
მიმდინარე წლის ზარალი		-	(1,173,444)	(1,173,444)
2024 წლის 31 ივლისი	19	916,812	(4,049,422)	(3,132,610)

5-24 გვერდებზე მოცემული შენიშვნები წინამდებარე ფინანსური ანგარიშგების განუყოფელ ნაწილს წარმოადგენს.

შპს „NUTSGE“

ფულადი ნაკადების ანგარიშგება

2024 წლის 31 ივლისით დასრულებული საანგარიშგებო წლისათვის
(ცხრილში ციფრები მოცემულია ლარში)

	შენიშვნა	2024	2023
საოპერაციო საქმიანობა			
ზარალი დაბეგვრამდე		(1,173,444)	(28,369)
<i>არაფულადი კორექტივები დაბეგვრამდე ზარალის წმინდა ფულად ნაკადებთან შესაბამისობაში მოყვანის მიზნით:</i>			
ცვეთა	9	214,221	209,385
საკუროს სხვაობიდან მიღებული წმინდა ზარალი		332,033	(127,864)
ფინანსური ხარჯი	16	862,599	714,368
სხვა არაფულადი შემოსავლები		(16,914)	(10,110)
ჩამოწერილი აქტივები	12	8,749	-
ფინანსური შემოსავალი	20	(57,091)	(56,323)
<i>კორექტირებები:</i>			
სავაჭრო და სხვა მოთხოვნების ზრდა/(შემცირება)		1,051,338	(825,623)
გადახდილი ავანსების ზრდა/(შემცირება)		202,503	(133,985)
მარაგების ზრდა/(შემცირება)		(219,443)	(87,284)
საგადასახადო აქტივის გაზრდა		68,215	(22,704)
სავაჭრო და სხვა ვალდებულებების ზრდა/(შემცირება)		107,366	(688,957)
მიღებული ავანსების ზრდა		(802,132)	381,403
საოპერაციო საქმიანობიდან მიღებული/(გამოყენებული) წმინდა ფულადი ნაკადები		578,000	(676,063)
საინვესტიციო საქმიანობა			
ძირითადი საშუალებების გაყიდვა		-	27,201
ძირითადი საშუალებების შეძენა	12	(387,284)	(338,337)
არამატერიალური აქტივების შეძენა		(5,534)	-
ფინანსური შემოსავალი		54,095	102,260
გაცემული სესხები		-	34,127
საინვესტიციო საქმიანობაში გამოყენებული წმინდა ფულადი ნაკადები		(338,723)	(174,749)
ფინანსური საქმიანობა			
გადახდილი პროცენტი		(323,777)	(441,524)
გადახდილი სესხი		(4,026,408)	(6,966,599)
აღებული სესხი		4,156,324	8,534,174
ფინანსური საქმიანობიდან მიღებული და გამოყენებული წმინდა ფულადი ნაკადები		(193,861)	1,126,051
ფულადი სახსრების და მათი ეკვივალენტების წმინდა ზრდა		45,416	275,239
ფულადი სახსრები და მათი ეკვივალენტები პერიოდის დასაწყისში	15	310,258	107,550
წმინდა საკუროს სხვაობა ფულად სახსრებსა და მათ ეკვივალენტებზე		(54,960)	(72,531)
ფულადი სახსრები და მათი ეკვივალენტები პერიოდის ბოლოს	15	300,714	310,258

5-24 გვერდებზე მოცემული შენიშვნები წინამდებარე ფინანსური ანგარიშგების განუყოფელ ნაწილს წარმოადგენს.

შპს „NUTSGE“

ფინანსური ანგარიშგების განმარტებითი შენიშვნები

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

1. ზოგადი ინფორმაცია

შპს „NUTSGE“ (შემდგომში კომპანია) არის შეზღუდული პასუხისმგებლობის კომპანია, რომელიც საქართველოში დაფუძნდა 2012 წლის 25 ივლისს.

კომპანიის ძირითად საქმიანობას წარმოადგენს თხილის გადამამუშავება და ექსპორტი.

2024 და 2023 წლის 31 ივლისის მდგომარეობით კომპანიის მფლობელებს წარმოადგენდნენ მამუკა ბერიაშვილი 51% და შპს „გაზელ ფაინენს ჯორჯია“ 49%. ხოლო 2021 წლის 31 ივლისის მდგომარეობით კომპანიის 75% ფლობდა „გაზელ ფაინენს ჯორჯია“ და 25% წილი ფლობელი იყო მამუკა ბერიაშვილი, თუმცა კომპანიის წესდებით მამუკა ბერიაშვილი ახორციელებდა კომპანიაზე კონტროლს.

2024 წლის 31 ივლისის მდგომარეობით კომპანიაში დასაქმებულთა რაოდენობა იყო 109 (2023: 92).

კომპანია მდებარეობს მისამართზე: საქართველო, ზუგდიდის რაიონი, ზ. გამსახურდიას გამზირი, N8. მისი საიდენტიფიკაციო ნომერია: 419986796.

2. მომზადების საფუძველი

კომპანიამ 2024 წლის 31 ივლისით დასრულებული წლის ფინანსური ანგარიშგება მოამზადა ბუღალტრული აღრიცხვის საერთაშორისო სტანდარტების საბჭოს („ბასს“) მიერ გამოშვებული მცირე და საშუალო საწარმოებისთვის ფინანსური ანგარიშგების საერთაშორისო სტანდარტების („მსს ფასს-ის სტანდარტები“) მიხედვით.

ფინანსურ ანგარიშგებაში წარმოდგენილი მუხლები ასახული არის იმ ძირითადი ეკონომიკური გარემოს შესაბამისად სადაც ფუნქციონირებს საწარმო (სამუშაო ვალუტა). კომპანიის სამუშაო ვალუტა არის ქართული ლარი. ფინანსური ანგარიშგების წარსადგენი ვალუტა ასევე არის ქართული ლარი.

ფინანსური ანგარიშგება მომზადებულია პირვანდელი ღირებულების საფუძველზე, გარდა ფინანსური აქტივებისა და ვალდებულებებისა, რომლებიც განხილულია სააღრიცხვო პოლიტიკაში ქვემოთ.

პირვანდელი ღირებულება ჩვეულებრივ აქტივებში გადახდილი საფასურის სამართლიან ღირებულებას ეფუძნება.

სამართლიანი ღირებულება წარმოადგენს ფასს, რომლის მიღებაც მოხდებოდა აქტივის გასაყიდად ან ბაზრის მონაწილეებს შორის ნებაყოფლობით ოპერაციაში ვალდებულების გადასაცემად, მიუხედავად იმისა, რომ ფასები პირდაპირ დაკვირვებადია, თუ შეფასების სხვა მეთოდით არის განსაზღვრული. აქტივის ან ვალდებულების სამართლიანი ღირებულების შეფასებისას კომპანია ითვალისწინებს აქტივების და ვალდებულებების მახასიათებლებს, თუ ბაზრის მონაწილეები აქტივის და ვალდებულების ფასწარმოების განხორციელებისას ამ მახასიათებლებს გაითვალისწინებენ შეფასების თარიღში.

3. ფუნქციონირებადი საწარმო

2024 წლის 31 ივლისის მდგომარეობით კომპანიის დაგროვილმა ზარალმა შეადგინა 4,049,422 (2023 წელს: 2,875,978) ლარი. ხოლო კომპანიის საოპერაციო საქმიანობიდან მიღებული ფულადი ნაკადები 578,000 ლარით აჭარბებს ფულად ხარჯებს მაშინ როცა 2023 წელს საოპერაციო დანახარჯები 676,063 ლარით აჭარბებდა საოპერაციო შემოსავლებს. ყოველივე ზემოაღნიშნული მიუთითებს არსებით განუსაზღვრელობაზე რამაც შესაძლოა საექვო გახადოს კომპანიის უნარი გააგრძელოს ფუნქციონირება, როგორც ფუნქციონირებადმა საწარმომ. მიუხედავად ზემოაღნიშნულისა კომპანიის მენეჯმენტი თვლის, რომ გააჩნია საკმარისი რესურსი დროულად დაფაროს ვალდებულებები შემდეგი მიზეზების გამო:

- კომპანიის წმინდა ზარალი უმეტესწილად გამოწვეულია სასესხო ვალდებულებებზე დარიცხული პროცენტით და აღნიშნული სესხების გადაფასების შედეგად საკურსო სხვაობიდან მიღებული ზარალით. აღსანიშნავია, რომ სესხების ძირითადი ნაწილი კომპანიას მშობელი საწარმოსგან აქვს მიღებული (შენიშვნა 20) რომლის დაფარვის ვალდებულება მართვადია კომპანიის ხელმძღვანელობისგან. შესაბამისად, კომპანიის ხელმძღვანელობა მიიჩნევს, რომ დარიცხული პროცენტის გადახდა განხორციელდება, მაშინ როდესაც კომპანიის საოპერაციო შემოსავალი გადააჭარბებს დარიცხული პროცენტის მოცულობას.
- 2023 წლის საანგარიშგებო პერიოდის საოპერაციო ფულადი ნაკადების უარყოფითი ნაშთი გამოწვეული იყო სამუშაო კაპიტალის ზრდით, ხოლო 2024 წელს საოპერაციო ფულადი ნაკადები დადებითია და კომპანიამ მოახდინა საინვესტიციო საქმიანობისთვის ფულადი სახსრების მობილიზება. საბოლოო ჯამში, კომპანიის ფულადი ნაკადები შემცირებულია 45,416 ლარით, რაც ძირითადად სასესხო ვალდებულებების დაფარვით არის გამოწვეული.

დღეის მდგომარეობით ყველა ოპერაცია განხორციელებულია დაშვებით, რომ კომპანია გააგრძელებს ფუნქციონირებას. გაცხადება ფუნქციონირებადობასთან დაკავშირებით დაფუძნებულია მიმდინარე მოლოდინებსა და პროგნოზებზე. არსებობს რისკები და განუსაზღვრელობები, რომლებიც ცდება მენეჯმენტის კონტროლს, რამაც შესაძლოა გამოიწვიოს გადახრები მოლოდინებსა და ფაქტიურ შედეგებს შორის. ფინანსური ანგარიშგება მომზადებულია დაშვებით, რომ კომპანია გააგრძელებს ფუნქციონირებას, როგორც ფუნქციონირებადი საწარმო, მოახდენს მისი მარაგების რეალიზებას და დაფარავს ვალდებულებებს ჩვეულებრივი საქმიანობის პირობებში.

4. მნიშვნელოვანი სააღრიცხვო პოლიტიკები

ძირითადი სააღრიცხვო პოლიტიკა აღწერილია ქვემოთ:

მოკლევადიან/გრძელვადიან მუხლებად კლასიფიკაცია

საწარმო მის ფინანსური მდგომარეობის ანგარიშგებაში აქტივებისა და ვალდებულებების ასახვისათვის იყენებს მოკლევადიან/გრძელვადიან კლასიფიკაციას.

აქტივი არის მოკლევადიანი თუ:

- ნავარაუდევია აქტივის გაყიდვა, ან აქტივი გამიზნულია გასაყიდად ან მოხმარებისთვის ჩვეულებრივი საოპერაციო ციკლის განმავლობაში;
- აქტივი ძირითადად გამოიყენება სავაჭრო დანიშნულებით;
- ნავარაუდევია მისი გაყიდვა საანგარიშგებო პერიოდის შემდეგ თორმეტი თვის განმავლობაში;

ან

- აქტივი არის ფულადი სახსრები ან ფულადი სახსრების ეკვივალენტი, იმ შემთხვევის გარდა, როდესაც მისი გაცვლა ან ვალდებულების დასაფარად გამოყენება შეზღუდულია, საანგარიშგებო პერიოდის შემდეგ სულ მცირე თორმეტი თვით მაინც.

ყველა სხვა აქტივი კლასიფიცირებულია, როგორც გრძელვადიანი აქტივები.

ვალდებულება არის მოკლევადიანი თუ:

- მისი დაფარვა მოსალოდნელია ჩვეულებრივი საოპერაციო ციკლის განმავლობაში;
- ძირითადად, გამოიყენება სავაჭრო დანიშნულებით;
- უნდა დაიფაროს საანგარიშგებო პერიოდის შემდეგ თორმეტი თვის განმავლობაში;

ან

- საწარმოს არ გააჩნია ვალდებულების დაფარვის გადავადების უპირობო უფლება, საანგარიშგებო პერიოდის შემდეგ სულ მცირე თორმეტი თვის განმავლობაში მაინც.

ყველა სხვა სახის ვალდებულება მიიჩნევა გრძელვადიან ვალდებულებად.

ამონაგების აღიარება

ამონაგების აღიარება ხდება იმდენად, რამდენადაც მოსალოდნელია, რომ კომპანია მიიღებს ეკონომიკურ სარგებელს და შესაძლებელია შემოსავლის სარწმუნოდ შეფასება მიუხედავად იმისა, თუ როდისაა გადახდა მიღებული. შემოსავლების შეფასება ხდება მიღებული ან მისაღები ანაზღაურების სამართლიანი ღირებულებით, გადახდის ხელშეკრულებით განსაზღვრული ვადების გათვალისწინებით და გადასახადებისა და მოსაკრებლების გამოკლებით. კომპანია შემოსავლებთან დაკავშირებულ თავის შეთანხმებებს სპეციალურ კრიტერიუმებს ადარებს, რათა განსაზღვროს ამ შეთანხმებებში იგი პრინციპალად გამოდის თუ პრინციპალის აგენტ მხარედ. კომპანიამ დაასკვნა, რომ შემოსავლებთან დაკავშირებულ ყველა გარიგებაში გამოდის პრინციპალის სახით, რადგან იგი ძირითადი მოვალეა ყველა

შპს „NUTSGE“

ფინანსური ანგარიშგების განმარტებითი შენიშვნები (გაგრძელება)

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

ასეთ გარიგებაში, აქვს ფასდადების მხრივ თავისუფლება და ატარებს სასაქონლო-მატერიალური მარაგების გაუფასურებისა და საკრედიტო რისკებს.

შემოსავლების აღიარებამდე უნდა დაკმაყოფილდეს აღიარების შემდეგი სპეციალური კრიტერიუმები:

ამონაგები საქონლის გაყიდვიდან

საქონლის გაყიდვიდან მიღებული ამონაგების აღიარება ხდება მაშინ, როდესაც საქონლის ფლობასთან დაკავშირებული მნიშვნელოვანი რისკები და სარგებელი გადავა მყიდველზე, როგორც წესი, საქონლის მიწოდებისთანავე.

ამონაგები მომსახურების გაწევიდან

შემოსავალი მომსახურების ხელშეკრულებიდან აღიარდება ხელშეკრულების შესრულების ეტაპზე დაყრდნობით. ხელშეკრულების შესრულების ეტაპი განიმარტება ისეთი სახელშეკრულებო განაკვეთებით, როგორც არის გადამუშავებული პროდუქციის სახელშეკრულებო ფასი.

გადავადებული შემოსავალი

წარმოებული საქონლისთვის მიღებული ავანსები გადავადებული შემოსავლის სახით აღირიცხება. კომპანია შემოსავალს აღიარებს კლიენტისთვის შესაბამისი პროდუქციის მიწოდებისას.

უცხოური ვალუტები

საწარმოს სამუშაო ვალუტისგან განსხვავებულ ვალუტებში (უცხოურ ვალუტებში) გამოხატული გარიგებების აღიარება ხდება ამ გარიგებების თარიღებით მოქმედი სავალუტო კურსებით. ყოველ საანგარიშგებო თარიღში, ხდება უცხოურ ვალუტებში გამოხატული ფულადი მუხლების გადაყვანა ამ თარიღით მოქმედი კურსის გამოყენებით. სხვაობები უცხოურ ვალუტაში განხორციელებული ოპერაციის სახელშეკრულებო გაცვლით კურსსა და საქართველოს ეროვნული ბანკის (სებ) გაცვლით კურსს შორის ოპერაციის დღეს შესულია მოგება ზარალისა და სრული შემოსავლის ანგარიშგებაში.

ქვემოთ მოცემულია გაცვლითი კურსები წლის ბოლოს მდგომარეობით, რომლებიც კომპანიამ წინამდებარე ფინანსური ანგარიშგებისთვის გამოიყენა:

	2024 წლის 31 ივლისი	2023 წლის 31 ივლისი
აშშ დოლარი/ლარი	2.8068	2.6433
ევრო/ლარი	2.9306	2.906

გადასახადები

მოგების გადასახადის ხარჯი მოიცავს მიმდინარე საგადასახადო დავალიანებას.

საწარმოების მიერ მიღებული წლიური მოგება, გარდა ბანკებისა, სადაზღვევო კომპანიებისა და მიკროსაფინანსო ორგანიზაციებისა, 2017 წლის 1 იანვრიდან საქართველოში არ იბეგრება. მოგების გადასახადით დაიბეგრება დივიდენდების სახით იმ აქციონერებზე განაწილებული მოგება, რომლებიც არიან ფიზიკური პირები ან არარეზიდენტები საქართველოში. ამგვარი მოგება დაანგარიშდება

განაწილებული წმინდა თანხიდან 15/85 განაკვეთის გამოყენებით. დივიდენდების გადახდით წარმოქმნილი მოგების გადასახადი აღირიცხება, როგორც ვალდებულება და ხარჯი იმ პერიოდში, რომელშიც დივიდენდები გამოცხადდა, მიუხედავად იმისა, თუ ფაქტობრივად რომელი თარიღით ან რომელ პერიოდში მოხდა დივიდენდების გადახდა. გარკვეულ შემთხვევებში დასაშვებია დარიცხული საგადასახადო დავალიანებიდან გამოქვითვები, რომლებიც აღირიცხება, როგორც შესაბამის განაწილებასთან დაკავშირებული მოგების გადასახადის ხარჯის შემცირება. საქართველოს საგადასახადო სისტემის თავისებურებიდან გამომდინარე, საქართველოში რეგისტრირებულ საწარმოებს არ წარმოეშობათ გადავადებული საგადასახადო აქტივები და ვალდებულებები. კომპანიის აქციონერებისთვის დივიდენდის განაწილებასთან დაკავშირებით დაკავებული გადასახადი საკუთარი კაპიტალის ცვლილებების ანგარიშგებაში აღიარებულია კაპიტალიდან გამოქვითვის სახით.

საქართველოს საგადასახადო კანონმდებლობა ასევე ითვალისწინებს მოგების გადასახადით გარკვეული გარიგებების დაბეგვრას, რომლებიც ითვლება პირობითი მოგების განაწილებად (მაგალითად, არასაბაზრო ფასებით აღირიცხული გარიგებები, ბიზნეს საქმიანობასთან დაუკავშირებელი ხარჯები, ან საქონლისა და მომსახურების უსასყიდლო მიწოდება). ამგვარი გარიგებების დაბეგვრა აღირიცხება საოპერაციო გადასახადების ანალოგიურად და აღირიცხება მოგება-ზარალის და სხვა სრული შემოსავლის ანგარიშგების საოპერაციო ხარჯებში.

დამატებული ღირებულების გადასახადი

შემოსავლების, ხარჯებისა და აქტივების აღიარება ხდება დამატებული ღირებულების გადასახადის თანხის გამოკლებით, გარდა იმ შემთხვევებისა:

- როდესაც აქტივების ან მომსახურების შესყიდვაზე დარიცხული დამატებული ღირებულების გადასახადი არ ექვემდებარება საგადასახადო ორგანოსგან დაბრუნებას, რა შემთხვევაშიც დამატებითი ღირებულების გადასახადის აღიარება მოხდება აქტივის შესყიდვაზე გაწეულ დანახარჯებში ან ხარჯის მუხლში, კონკრეტული შემთხვევიდან გამომდინარე.
- დებიტორული და კრედიტორული დავალიანებისა, რომელიც მოიცავს დამატებული ღირებულების გადასახადს.

საგადასახადო ორგანოებისთვის გადასახდელი ან მათგან დასაბრუნებელი დამატებული ღირებულების გადასახადის წმინდა ოდენობა ასახულია ფინანსური მდგომარეობის ანგარიშის დღე აქტივის (ანაზღაურებადი დღე) ან ვალდებულების ნაწილში.

ძირითადი საშუალებები

ძირითადი საშუალებები აღირიცხება თვითღირებულებით, საიდანაც გამოკლებულია დაგროვილი ცვეთა და გაუფასურების შედეგად მიღებული დაგროვილი ზარალი. მიწას და დაუმთავრებელ მშენებლობას ცვეთა არ ერიცხება.

ძირითადი საშუალებების მუხლის პირვანდელი ღირებულება მოიცავს (ა) მის ნასყიდობის ღირებულებას, მათ შორის იმპორტის მოსაკრებელს და შესყიდვის არადაბრუნებად გადასახადებს, სავაჭრო ფასდათმობების და ფასდაკლებების გამოკლების შემდეგ; (ბ) ნებისმიერ თვითღირებულებას, რომელიც პირდაპირ უკავშირდება მუხლის მისთვის საჭირო ადგილზე და პირობებში მისატანად, რათა უზრუნველყოფილი იყოს კომპანიის ხელმძღვანელობის მიერ განსაზღვრული წესით ფუნქციონირება; (გ) დემონტაჟისა და ტერიტორიიდან გატანის ხარჯებს ასევე, იმ ტერიტორიის აღდგენის ღირებულებას,

რომელზედაც ამგვარი აქტივი იყო განთავსებული, და (დ) იმ ვალდებულებას, რომელსაც კისრულობს კომპანია აქტივის შეძენისას ან, მუხლის გამოყენების შედეგად კონკრეტული პერიოდის განმავლობაში, რისი მიზანიც არ არის ამ პერიოდში სასაქონლო-მატერიალური მარაგების წარმოება.

ამის შემდეგ, კაპიტალიზებული ხარჯები მოიცავს გაუმჯობესებების და ჩანაცვლებების მთავარ დანახარჯებს, რომელიც ახანგრძლივებს აქტივების სასარგებლო მომსახურების ვადებს და ზრდის მათ მიერ შემოსავლის გენერირების შესაძლებლობას. რემონტის და ტექნიკური მომსახურების ხარჯი, რომელიც არ აკმაყოფილებს კაპიტალიზაციის ზემოთ ხსენებულ კრიტერიუმებს, აისახება მოგება-ზარალის და სხვა სრული შემოსავლის ანგარიშგებაში, მათი გაწვევითანავე.

ძირითად საშუალებებზე ცვეთა ირიცხება ისეთი ფორმით, რომ ჩამოიწეროს ცვეთადი ღირებულება აქტივის სასარგებლო მომსახურების ვადაზე და ის დაანგარიშდება ცვეთის წრფივი მეთოდის გამოყენებით. ძირითადი საშუალებების ჯგუფების სასარგებლო მომსახურების ვადები არის შემდეგი:

ძირითადი საშუალებების კატეგორიები	სასარგებლო გამოყენების ვადები წლების მიხედვით
შენობა-ნაგებობები	20
მანქანა-დანადგარები	3-10
ოფისის აღჭურვილობა	3-5
სატრანსპორტო საშუალებები	5-10
სხვა ძირითადი საშუალებები	3

ცვეთადი ღირებულება წარმოადგენს სხვაობას ძირითადი საშუალებების თვითღირებულებისა და მის ნარჩენ ღირებულებას შორის. ნარჩენი ღირებულება წარმოადგენს სავარაუდო თანხას, რომელსაც კომპანია ძირითადი საშუალებების მუხლის გასხვისებიდან მიიღებდა, გასხვისების სავარაუდო ხარჯების გამოკლებით, აქტივი უკვე მოძველებული და ისეთ მდგომარეობაში რომ ყოფილიყო, როგორიც მოსალოდნელია სასარგებლო გამოყენების ვადის დასრულებისთვის.

ნარჩენი ღირებულება, სასარგებლო მომსახურების ვადა და ცვეთის დარიცხვის მეთოდი ყოველი ფინანსური წლის ბოლოს გადაიხედება. წინა შეფასებების ნებისმიერი ცვლილების ეფექტი პერსპექტიულად აღირიცხება, სააღრიცხვო შეფასებების ცვლილების სახით.

ძირითადი საშუალებების მუხლის გაყიდვიდან ან განკარგვიდან მიღებული შემოსულობა ან ზარალი განისაზღვრება, როგორც აქტივის გაყიდვიდან მიღებულ შემოსავალსა და მის საბალანსო ღირებულებას შორის სხვაობა და მისი აღიარება ხდება მოგებაში ან ზარალში.

კომპანიამ 2024 წლისთვის მოახდინა ძირითადი საშუალებების კლასებს შორის გადანაწილება, რაც გამოწვეულია იმით რომ კომპანიამ საწარმოო ხაზების კომპლექტაცია დაიწყო საწარმოო პროცესების მიხედვით. შიდა კლასიფიკაციის ცვლილებას არ გამოუწვევია ძირითადი საშუალებების ღირებულების ცვლილება.

ანარიცხები

ანარიცხების აღიარება ხდება მაშინ, როდესაც კომპანიას აქვს მიმდინარე (იურიდიული ან კონსტრუქციული) ვალდებულებები წარსულში მომხდარი მოვლენების გამო და მოსალოდნელია, რომ

კომპანიისგან მოთხოვნილი იქნება ვალდებულების დაფარვა და შესაძლებელი იქნება ვალდებულებების მოცულობის საიმედოდ შეფასება.

ანარიცხებად აღიარებული ოდენობა წარმოადგენს იმ თანხის საუკეთესო შეფასებას, რომელიც საჭირო იქნება მიმდინარე ვალდებულების დასაფარად ანგარიშგების პერიოდის ბოლოსთვის, ამ ვალდებულებასთან დაკავშირებული რისკებისა და გაურკვევლობების გათვალისწინებით. როდესაც ანარიცხები ფასდება მიმდინარე ვალდებულების გასასტუმრებლად საჭირო ფულადი ნაკადებით, მისი საბალანსო ღირებულება არის ამ ფულადი ნაკადების დღევანდელი ღირებულება.

თუ ანარიცხების დაფარვისთვის საჭირო ეკონომიკური სარგებლის ნაწილობრივ ან მთლიანად მიღება მესამე მხარისგან არის მოსალოდნელი, მისაღები თანხის აღიარება აქტივად ხდება მაშინ, როდესაც ფაქტობრივად გარანტირებულია ანაზღაურების მიღება და მისაღები თანხის ოდენობის საიმედოდ შეფასება შესაძლებელია.

პირობითი აქტივები და ვალდებულებები

პირობითი ვალდებულებები არ არის აღიარებული ფინანსური მდგომარეობის ანგარიშგებაში, თუმცა წარმოდგენილია ფინანსური ანგარიშგების განმარტებით შენიშვნებში, გარდა იმ შემთხვევისა, როდესაც საწარმოდან ეკონომიკურ სარგებელში განივთებული სარგებლის გასვლა მოსალოდნელია შორეულ მომავალში.

პირობითი აქტივები არ არის აღიარებული ფინანსური მდგომარეობის ანგარიშგებაში, თუმცა, ფინანსურ ანგარიშგებაში აღიარდება მაშინ, როდესაც მოსალოდნელია ეკონომიკური სარგებლის შემოდინება.

ფინანსური ინსტრუმენტები

ფინანსური აქტივებისა და ვალდებულებების აღიარება ხდება, როდესაც კომპანია ხდება ინსტრუმენტების სახელშეკრულებო პირობების მონაწილე.

დანახარჯები, რომლებიც პირდაპირ განეკუთვნება ფინანსური აქტივების ან ფინანსური ვალდებულებების შეძენას ან გამოშვებას (მოგებაში ან ზარალში სამართლიანი ღირებულებით აღრიცხული ფინანსური აქტივებისა და ფინანსური ვალდებულებების გარდა), პირველადი აღიარებისას, შესაბამისად, ემატება ან აკლდება ფინანსური აქტივებისა თუ ფინანსური ვალდებულებების სამართლიან ღირებულებას. გარიგების დანახარჯები, რომლებიც პირდაპირ განეკუთვნება მოგებაში ან ზარალში სამართლიანი ღირებულებით აღრიცხული ფინანსური აქტივებისა და ფინანსური ვალდებულებების შეძენას ან გამოშვებას, მაშინვე აღიარდება მოგებაში ან ზარალში.

ფინანსური აქტივები

ფინანსური აქტივები იყოფა შემდეგ კონკრეტულ კატეგორიებად: სამართლიანი ღირებულებით შეფასებულ და მოგებაში ან ზარალში ასახულ ფინანსურ აქტივებად, დაფარვის ვადამდე ფლობილ საინვესტიციო ფასიან ქაღალდებად, გასაყიდად გამიზნულ ფინანსურ აქტივებად, სესხებად და მისაღებ ანგარიშებად. კლასიფიკაცია დამოკიდებულია ფინანსური აქტივის ხასიათსა და მიზნობრიობაზე და განისაზღვრება თავდაპირველი აღიარებისას.

შპს „NUTSGE“

ფინანსური ანგარიშგების განმარტებითი შენიშვნები (გაგრძელება)

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

კომპანიის ძირითადი ფინანსური აქტივები წარმოადგენს ფულად სახსრებს და მათ ეკვივალენტებს, სავაჭრო და სხვა დებიტორულ დავალიანებას და გაცემული სესხი.

ეფექტური საპროცენტო განაკვეთის მეთოდი

ეფექტური საპროცენტო განაკვეთის მეთოდი არის სავალო ინსტრუმენტის ამორტიზებული ღირებულების გაანგარიშებისა და შესაბამის პერიოდზე საპროცენტო შემოსავლისა და ხარჯების განაწილების მეთოდი. ეფექტური საპროცენტო განაკვეთი არის განაკვეთი, რომელიც ზუსტად ახდენს მომავალში მოსალოდნელი ფულადი ნაკადების (მათ შორის ყველა გადახდილი და მიღებული გასამრჯელო, რომლებიც ეფექტური საპროცენტო განაკვეთის განუყოფელი ნაწილია, გარიგების დანახარჯები და სხვა პრემიები თუ დისკონტები) დისკონტირებას სავალო ინსტრუმენტის მოქმედების მოსალოდნელ ვადაზე ან, საჭიროების შემთხვევაში, უფრო ხანმოკლე ვადაზე, თავდაპირველი აღიარებისას დაფიქსირებულ წმინდა საბალანსო ღირებულებამდე. საპროცენტო შემოსავალი და ხარჯი აღიარდება სასესხო ინსტრუმენტების ეფექტური საპროცენტო განაკვეთის საფუძველზე.

ფულადი სახსრები და მათი ეკვივალენტები

ფულადი სახსრები და მათი ეკვივალენტები მოიცავს მიმდინარე ანგარიშებს ბანკებში და ასევე ფული სალაროში.

სავაჭრო და სხვა დებიტორული დავალიანება

სავაჭრო და სხვა დებიტორული დავალიანებების შემდგომი შეფასება ასევე ხდება ამორტიზებული ღირებულებით, ეფექტური საპროცენტო განაკვეთის მეთოდის გამოყენებით. მოკლევადიანი დებიტორული დავალიანებები, რომლებსაც პროცენტი არ ერიცხება, ნომინალური ღირებულებით აღირიცხება. მოსალოდნელი უიმედო თანხების შესაბამისი რეზერვები აღიარდება მოგებაში ან ზარალში და სხვა სრული შემოსავლის ანგარიშგებაში, როდესაც არსებობს აქტივის გაუფასურების ობიექტური მტკიცებულება. აღიარებული რეზერვი ფასდება აქტივის საბალანსო ღირებულებასა და მოსალოდნელი მომავალი ფულადი ნაკადების მიმდინარე ღირებულებას შორის სხვაობის სახით, რომელიც დისკონტირდება თავდაპირველი აღიარებისას დაანგარიშებული ეფექტური საპროცენტო განაკვეთით.

გაცემული სესხები

გაცემული სესხების შემდგომი შეფასება ასევე ხდება ამორტიზებული ღირებულებით, ეფექტური საპროცენტო განაკვეთის მეთოდის გამოყენებით. მოსალოდნელი უიმედო თანხების შესაბამისი რეზერვები აღიარდება მოგებაში ან ზარალში და სხვა სრული შემოსავლის ანგარიშგებაში, როდესაც არსებობს აქტივის გაუფასურების ობიექტური მტკიცებულება. აღიარებული რეზერვი ფასდება აქტივის საბალანსო ღირებულებასა და მოსალოდნელი მომავალი ფულადი ნაკადების მიმდინარე ღირებულებას შორის სხვაობის სახით, რომელიც დისკონტირდება თავდაპირველი აღიარებისას დაანგარიშებული ეფექტური საპროცენტო განაკვეთით.

ფინანსური აქტივების გაუფასურება

ანგარიშგების ყოველი პერიოდის ბოლოს ფინანსური აქტივები ფასდება შესაძლო გაუფასურების ნიშნების აღმოსაჩენად. ფინანსური აქტივები გაუფასურებულად ითვლება მაშინ, როდესაც არსებობს ობიექტური მტკიცებულება იმისა, რომ ფინანსური აქტივის პირველადი აღიარების შემდეგ დამდგარმა ერთმა ან ერთზე მეტმა მოვლენამ გავლენა მოახდინა ინვესტიციიდან მოსალოდნელ სამომავლო ფულად ნაკადებზე.

ყველა დანარჩენი ფინანსური აქტივის შემთხვევაში, გაუფასურების ობიექტური მტკიცებულება იქნება:

- ემიტენტის ან კონტრაგენტის მნიშვნელოვანი ფინანსური სირთულეები;
- ხელშეკრულების პირობების დარღვევა, როგორც არის ძირითადი თანხის ან პროცენტის გადაუხდელობა ან გადახდის დაგვიანება;
- მოსალოდნელია მსესხებლის გაკოტრება ან ფინანსური რეორგანიზაცია; ან
- აღნიშნული ფინანსური აქტივის აქტიური ბაზრის გაუჩინარება ფინანსური სირთულეების გამო.

ამორტიზებული ღირებულებით შეფასებული ფინანსური აქტივების შემთხვევაში, გაუფასურების ზარალის ოდენობა განისაზღვრება, როგორც სხვაობა აქტივის საბალანსო ღირებულებასა და სამომავლო ფულადი ნაკადების დღევანდელ ღირებულებას შორის, რომელიც მიიღება ფინანსური აქტივის თავდაპირველი ეფექტური საპროცენტო განაკვეთის მეშვეობით დისკონტირებით.

თვითღირებულებით აღრიცხული ფინანსური აქტივების შემთხვევაში, გაუფასურების ზარალის ოდენობა განისაზღვრება, როგორც სხვაობა აქტივის საბალანსო ღირებულებასა და სამომავლო ფულადი ნაკადების დღევანდელ ღირებულებას შორის, რომელიც მიიღება ანალოგიურ ფინანსურ აქტივზე არსებული საბაზრო უკუგების განაკვეთის მეშვეობით დისკონტირებით. ასეთი გაუფასურების ზარალი მომდევნო პერიოდებში არ შებრუნდება.

ფინანსური აქტივის საბალანსო ღირებულება პირდაპირ მცირდება გაუფასურების ზარალით ყველა ფინანსური აქტივის შემთხვევაში. გამოწვეულია სავაჭრო დებიტორული დავალიანებები, რომელთა შემთხვევაშიც საბალანსო ღირებულება მცირდება გაუფასურების რეზერვის ანგარიშის გამოყენებით. თუ

სავაჭრო დებიტორული დავალიანება უიმედოდ ჩაითვლება, ის ჩამოიწერება გაუფასურების რეზერვის ანგარიშიდან. ჩამოწერილი თანხების შემდგომი აღდგენა ხდება გაუფასურების რეზერვის ანგარიშის კრედიტის მხარეზე ასახვით. გაუფასურების რეზერვის ანგარიშის საბალანსო ღირებულებაში ცვლილებების აღიარება ხდება მოგებაში ან ზარალში და სხვა სრული შემოსავლის ანგარიშგებაში.

ამორტიზებული ღირებულებით შეფასებული ფინანსური აქტივების შემთხვევაში, თუ მომდევნო პერიოდში გაუფასურების ზარალი შემცირდება და ეს შემცირება შეიძლება ობიექტურად უკავშირდებოდეს გაუფასურების აღიარების შემდეგ დამდგარ გარემოებას, უკვე აღიარებული გაუფასურების ზარალი აღიარდება მოგებაში ან ზარალში ასახვის მეშვეობით იმდენად, რომ გაუფასურების შებრუნების თარიღისთვის არსებული ინვესტიციის საბალანსო ღირებულება არ აღემატებოდეს იმ ამორტიზირებად ღირებულებას, რომელიც გვექნებოდა, გაუფასურება რომ არ აღიარებულიყო.

ფინანსური აქტივების აღიარების შეწყვეტა

კომპანია წყვეტს ფინანსური აქტივის აღიარებას, როდესაც იწურება ხელშეკრულებით გათვალისწინებული უფლებები აქტივიდან ფულადი ნაკადების მიღებაზე ან როდესაც სხვა მხარეს გადასცემს ფინანსურ აქტივს და ამ აქტივის საკუთრებასთან დაკავშირებულ თითქმის ყველა რისკსა და სარგებელს. თუ კომპანია არც გადაცემს და არც ინარჩუნებს საკუთრებასთან დაკავშირებულ არსებითად ყველა რისკსა და სარგებელს და აგრძელებს გადაცემული აქტივის კონტროლს, კომპანია აღიარებს თავის შენარჩუნებულ ინტერესს აქტივში და მასთან დაკავშირებულ ვალდებულებაში, იმ თანხების ოდენობით, რომელთა გადახდაც მას შეიძლება მოუხდეს. თუ კომპანია ინარჩუნებს გადაცემული ფინანსური აქტივის საკუთრებასთან დაკავშირებულ არსებითად ყველა რისკსა და სარგებელს, კომპანია აგრძელებს ფინანსური აქტივის აღიარებას და ასევე აღიარებს მიღებული თანხებისთვის ურზუნველყოფილ ნასესხებ სახსრებს.

შპს „NUTSGE“

ფინანსური ანგარიშგების განმარტებითი შენიშვნები (გაგრძელება)

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

ფინანსური აქტივის მთლიანობაში აღიარების შეწყვეტის შემთხვევაში, აქტივის საბალანსო ღირებულებასა და მიღებულ თანხას, დებიტორულ დავალიანებასა და სხვა სრულ შემოსავალში აღიარებულ და კაპიტალში დაგროვილ ჯამურ შემოსავალს ან ზარალს შორის არსებული სხვაობის აღიარება ხდება მოგებაში ან ზარალში.

ფინანსური აქტივის აღიარების არასრულად შეწყვეტის შემთხვევაში (მაგ. როდესაც კომპანია იტოვებს გადაცემული აქტივის ნაწილის გამოსყიდვის უფლებას), კომპანია ფინანსური აქტივის თავდაპირველ საბალანსო ღირებულებას გადაანაწილებს იმ ნაწილზე, რომელშიც მონაწილეობის შენარჩუნებასაც აღიარებს, და იმ ნაწილზე, რომელსაც აღარ აღიარებს, გადაცემის თარიღისთვის მათი ფარდობითი სამართლიანი ღირებულებების მიხედვით. აღიარება შეწყვეტილი ნაწილისთვის მიკუთვნებულ საბალანსო ღირებულებასა და აღიარება შეწყვეტილ ნაწილში მიღებული საზღაურისა და მასზე განაწილებული და სხვა სრულ შემოსავალში აღიარებული დაგროვილი ნამეტი შემოსავლის ან ზარალის ჯამს შორის სხვაობის აღიარება ხდება მოგებაში ან ზარალში. დაგროვილი შემოსულობა ან ზარალი, რომელიც აღიარებულია სხვა სრულ შემოსავალში ნაწილდება იმ ნაწილს, რომლის აღიარებაც გრძელდება და აღიარება შეწყვეტილ ნაწილს შორის მათი ფარდობითი სამართლიანი ღირებულებების მიხედვით.

ფინანსური ვალდებულებები და წილობრივი ინსტრუმენტები

მოზიდულ და საკუთარ კაპიტალად კლასიფიცირება

კომპანიის მიერ გამოშვებული სავალო და წილობრივი ინსტრუმენტები კლასიფიცირდება როგორც ფინანსური ვალდებულება ან როგორც კაპიტალი, სახელშეკრულებო პირობებისა და ფინანსური ვალდებულებისა და წილობრივი ინსტრუმენტის განმარტებების მიხედვით.

წილობრივი ინსტრუმენტები

წილობრივი ინსტრუმენტი არის კონტრაქტი, რომლითაც დასტურდება ნარჩენი ინტერესი საწარმოს აქტივში ყველა მისი ვალდებულების გამოქვითვის შემდეგ. კომპანიის საწარმოს მიერ გამოშვებული წილობრივი ინსტრუმენტების აღიარება ხდება მიღებული საზღაურის ოდენობით, რასაც აკლდება გამოშვებასთან დაკავშირებული პირდაპირი დანახარჯები.

კომპანიის საკუთარი წილობრივი ინსტრუმენტების განმეორებით შეძენა აღიარდება და დაიქვითება პირდაპირ კაპიტალში. კომპანიის საკუთარი წილობრივი ინსტრუმენტის ყიდვის, გაყიდვის, გამოშვების ან გაუქმების შედეგად არანაირი მოგების თუ ზარალის აღიარება არ ხდება მოგებაში ან ზარალში.

ფინანსური ვალდებულებები

ფინანსური ვალდებულებები (რომლებიც წარმოდგენილია სავაჭრო და სხვა კრედიტორული დავალიანებით) აღირიცხება ამორტიზებული ღირებულებით ეფექტური საპროცენტო განაკვეთის მეთოდის გამოყენებით.

ფინანსური ვალდებულებების აღიარების შეწყვეტა

კომპანია ფინანსური ვალდებულებების აღიარებას წყვეტს მხოლოდ კომპანიის ვალდებულებების შესრულების, გაუქმების ან ამოწურვის შემთხვევაში. აღიარება შეწყვეტილი ფინანსური ვალდებულების საბალანსო ღირებულებასა და გადახდილ და გადასახდელ საზღაურს შორის სხვაობის აღიარება ხდება მოგება ან ზარალის და სხვა შემოსავლის ანგარიშგებაში.

საწესდებო კაპიტალი

საწესდებო კაპიტალი აღიარდება კომპანიის მიერ მიღებული შენატანების სამართლიანი ღირებულებით.

წინასწარ გადახდილი გადასახადები და საგადასახადო დავალიანება

წინასწარ გადახდილი გადასახადები ნომინალური ღირებულებით აღირიცხება მოსალოდნელი უიმედო თანხების რეზერვის გამოკლებით. მოგების გადასახადის გარდა სხვა საგადასახადო დავალიანება ნომინალური ღირებულებით აღირიცხება.

მომწოდებლებისთვის გადახდილი ავანსები

მომწოდებლებისთვის გადახდილი ავანსები აღირიცხება თვითღირებულებით, უიმედო თანხების რეზერვის გამოკლებით.

მარაგები

სასაქონლო-მატერიალური მარაგები აღირიცხება თვითღირებულებასა და შეფასებით გასაყიდ ფასს შორის უმცირესი თანხით, რომელსაც, გამოკლებული აქვს პროდუქციის დასრულებისა და გაყიდვისთვის საჭირო დანახარჯები. თვითღირებულება დაანგარიშდება საშუალო შეწონილი შეფასების მეთოდის გამოყენებით.

სასაქონლო-მატერიალური მარაგების თვითღირებულება მოიცავს: მის შეძენასა და გადამუშავებასთან დაკავშირებულ ყველანაირ დანახარჯს, ასევე ისეთ დანახარჯებს, რომლებიც გაწეულია მის მოცემულ ადგილამდე ტრანსპორტირებისთვის და სათანადო მდგომარეობაში მოსაყვანად.

წარმოების პროცესის შედეგად მიღებული თანმდევი პროდუქცია ფასდება გასაყიდ ფასად მისი დასრულებისა და გაყიდვისათვის საჭირო დანახარჯების გამოკლებით.

წმინდა სარეალიზაციო ღირებულება გამოითვლება, როგორც ჩვეულებრივი საქმიანობის პირობებში სავარაუდო გასაყიდ ფასს გამოკლებული დასრულების და რეალიზაციის სავარაუდო ხარჯი.

მარაგის შეძენის დანახარჯები მოიცავს: მისი შეძენის (ნასყიდობის) ფასს, საიმპორტო საბაჟო გადასახადს და სხვა გადასახადებს (იმ გადასახადების გარდა, რომლებიც საგადასახადო ორგანოებმა საწარმოს უნდა დაუბრუნონ შემდგომში), სატრანსპორტო, დატვირთვა-გადმოტვირთვის დანახარჯებსა და სხვა დანახარჯებს, რომლებიც უშუალოდ არის დაკავშირებული მზა პროდუქციის, ნედლეულის, მასალებისა და მომსახურების შეძენასთან. სავაჭრო დათმობა, სხვადასხვა სახის ფასდათმობები და სხვა ანალოგიური მუხლები არ ჩაირთვება შეძენის დანახარჯების გაანგარიშებაში.

მარაგის გადამუშავების დანახარჯები მოიცავს ისეთ დანახარჯებს, რომლებიც უშუალოდაა დაკავშირებული პროდუქციის ერთეულების წარმოებასთან, ესენია: პირდაპირი შრომითი დანახარჯები, მუდმივი და ცვლადი ზედნადები ხარჯები.

იჯარა

იჯარები კლასიფიცირდება ფინანსურ იჯარებად, იჯარის პერიოდის განმავლობაში, როდესაც ხდება საიჯარო აქტივის საკუთრებასთან დაკავშირებული ყველა რისკის და უფლების გადაცემა. ყველა სხვა იჯარა საოპერაციო იჯარებად კლასიფიცირდება. უფლებები ფინანსური იჯარის ფარგლებში ფლობილ აქტივებზე აქტივებად აღიარდება, იჯარით აღებული ქონების სამართლიანი ღირებულებით (ან, თუ

შპს „NUTSGE“

ფინანსური ანგარიშგების განმარტებითი შენიშვნები (გაგრძელება)

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

ნაკლებია, მინიმალური საიჯარო გადასახდელების მიმდინარე ღირებულებით) იჯარის დასაწყისში. მეიჯარის შესაბამისი ვალდებულება ფინანსური იჯარის ვალდებულების სახით არის ასახული ფინანსური მდგომარეობის ანგარიშგებაში. საიჯარო გადასახადები ნაწილდება ფინანსურ დანახარჯებსა და საიჯარო ვალდებულების შემცირებას შორის იმგვარად, რომ წარმოიქმნას მუდმივი საპროცენტო განაკვეთი ვალდებულების დარჩენილ ნაშთზე. ფინანსურ იჯარაზე გადახდილი პროცენტი აღიარდება მოგების ან ზარალის ანგარიშგებაში. ფინანსური იჯარის ფარგლებში ფლობილი აქტივები აღრიცხულია ძირითად აქტივებში. მათზე ირიცხება ცვეთა და ფასდება გაუფასურებაზე იგივე ფორმით, როგორც ფლობილი აქტივები.

საოპერაციო იჯარის ფარგლებში განხორციელებული საიჯარო გადახდები წრფივი მეთოდის გამოყენებით დაირიცხება მოგებაზე ან ზარალზე, შესაბამისი იჯარის ვადის განმავლობაში.

5. შეფასებები და დაშვებები

კომპანიის სააღრიცხვო პოლიტიკის გამოყენებისას, რომლებიც მე-4 შენიშვნაშია აღწერილი, ხელმძღვანელობას მოეთხოვებათ განსჯა, შეფასება და დაშვებების გამოყენება იმ აქტივებისა და ვალდებულებების საბალანსო ღირებულებებთან დაკავშირებით, რომლებიც მზა სახით ხელმისაწვდომი არ არის სხვა წყაროებიდან. ეს შეფასებები და მათთან დაკავშირებული დაშვებები ეყრდნობა ისტორიულ გამოცდილებას და სხვა ფაქტორებს, რომლებიც აქტუალურად მიიჩნევა. ფაქტობრივი შედეგები შესაძლოა განსხვავდებოდეს ამგვარი შეფასებებისგან.

ეს შეფასებები და თანმდევი დაშვებები მუდმივად გადაიხედება. სააღრიცხვო შეფასებების გადახედვის აღიარება ხდება იმ პერიოდში, როცა მოხდა ამ შეფასების გადახედვა, მხოლოდ იმ შემთხვევაში: თუ გადახედვა გავლენას ახდენს მხოლოდ ამ პერიოდზე, ან გადახედვის პერიოდსა და სამომავლო პერიოდებში, ან თუ გადახედვა გავლენას ახდენს როგორც მიმდინარე, ისე სამომავლო პერიოდებზე.

საანგარიშგებო პერიოდში ხელმძღვანელობის მხრიდან გამოყენებულია შემდეგი დაშვებები:

ძირითადი საშუალებების სასარგებლო მომსახურების ვადა

ძირითადი საშუალების შემადგენელი ცალკეული ერთეულების სასარგებლო მომსახურების ვადის შეფასება დამოკიდებულია ხელმძღვანელობის დაშვებებზე, რომლებიც ეფუძნება მსგავს აქტივებთან წარსულ გამოცდილებას. აქტივის სასარგებლო მომსახურების ვადის განსაზღვრისას, ხელმძღვანელობა განიხილავს მოსალოდნელ გამოყენებას, სავარაუდო ტექნიკურ მოძველებას, ფიზიკურ ცვეთას და გარემოს, სადაც ხდება აქტივის გამოყენება. რომელიმე პირობაში ან შეფასებაში მომხდარმა ცვლილებამ, შეიძლება მოითხოვოს სამომავლო ცვეთის კოეფიციენტების გადახედვა.

6. ამონაგები

	2024	2023
ამონაგები რეალიზაციიდან	20,982,557	18,402,540
ამონაგები	20,982,557	18,402,540

შპს „NUTSGE“

ფინანსური ანგარიშგების განმარტებითი შენიშვნები (გაგრძელება)

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

7. გაყიდული პროდუქციის თვითღირებულება

	2024	2023
მარაგების თვითღირებულება	18,254,549	15,384,547
გაყიდული პროდუქციის თვითღირებულება	18,254,549	15,384,547

8. რეალიზაციისა და დისტრიბუციის ხარჯები

	2024	2023
ტრანსპორტირების ხარჯები	813,693	635,193
სხვა ხარჯები	112,140	116,693
რეალიზაციისა და დისტრიბუციის ხარჯები	925,833	751,886

9. ადმინისტრაციული ხარჯები

	2024	2023
ხელფასის ხარჯი	947,331	1,161,222
ცვეთა და ამორტიზაცია	214,221	209,385
საკონსულტაციო ხარჯი	103,616	30,898
გამოფენის ხარჯი	92,670	37,109
კომუნალური ხარჯი	69,800	59,299
მომსახურეობის ხარჯი	60,870	115,053
საგადასახადოს სხვა ხარჯი	47,590	17,387
საყოფაცხოვრებო ხარჯი	37,702	27,322
საბანკო ხარჯი	27,664	18,599
სხვა ხარჯები	23,470	44,780
ანალიზის ხარჯი	22,443	21,618
დაცვის ხარჯი	22,419	19,607
სერთიფიცირების ხარჯი	18,103	37,013
ქონების გადასახადი	14,168	12,833
მივლინების ხარჯი	13,308	67,719
დაზღვევა	11,094	-
საკანცელარიო ხარჯი	9,635	15,030
რემონტის ხარჯი	-	27,610
იჯარის ხარჯი	-	1,540
ადმინისტრაციული ხარჯები	1,736,104	1,924,024

შპს „NUTSGE“

ფინანსური ანგარიშგების განმარტებითი შენიშვნები (გაგრძელება)

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

10. არასაოპერაციო (ხარჯი)/შემოსავალი

არასაოპერაციო (ხარჯი)/შემოსავალი

	2024	2023
ზარალის ანაზღაურება*	(118,682)	120,131
შემოსავალი ძირითადი საშუალების გაყიდვიდან	-	10,110
მესამე მხარის თანადაფინანსება	11,938	15,000
სხვა შემოსავალი/ზარალი	4,770	14,488
არასაოპერაციო (ზარალი)/მოგება	(101,974)	159,729

- 2021 წლის ოქტომბერში, კომპანიას წარმოეშვა დავა თანამშრომელთან, რომელიც მოითხოვდა სამსახურში აღდგენას. 2022 და 2023 წლის 1 ივლისის მდგომარეობით, კომპანიისთვის არ იყო ცნობილი სასამართლო დავის დასრულების შედეგები, შესაბამისად წინა საანგარიშგებო პერიოდში აღნიშნულ დავასთან დაკავშირებით ანარიცხი არ ყოფილა. 2024 წლის კომპანიას დაეკისრა ზარალის ანაზღაურება, 118,682 ლარის ოდენობით, რომელიც 2024 წელსვე დაარიცხა და გადაიხადა. (2023 წელს, 120,131 ლარი წარმოადგენდა სადაზღვეო ზარალის ანაზღაურებას რომელიც 2023 წლის საანგარიშგებო პერიოდში, ხანძრის შედეგად დაზიანებული ნედლეულის და ძირითადი საშუალებების ზიანის ანაზღაურებას მოხმარდა).
- 2024 წელს კომპანიას დამფუძნებლის მიერ დაუმტკიცდა 11,938 ლარის გრანტი, რომლის მიზნობრიობა იყო ტექნიკური დახმარება. (2023:0).

11. მოგების გადასახადი

საგადასახადო კანონმდებლობის ცვლილებების ამოქმედების შემდეგ (მე-4 შენიშვნა), 2017 წლის 1 იანვრის მდგომარეობით, კომპანიამ მთლიანად შემოაბრუნა თავისი გადავადებული საგადასახადო აქტივები და ვალდებულებები ბასს (IAS) 12-ის „მოგებიდან გადასახადები“ შესაბამისად, რათა გადავადებული გადასახადები შეაფასოს 0%-იანი საგადასახადო განაკვეთით, რომელიც მოქმედებს გაუნაწილებელ მოგებაზე 2017 წლის 1 იანვრიდან.

2023 და 2024 წლების საანგარიშგებო პერიოდში კომპანიამ მოგების გადასახადის ხარჯი არ აღიარა, რადგან აღნიშნულ საანგარიშგებო წლებში მოგება არ გაუნაწილებია.

შპს „NUTSGE“

ფინანსური ანგარიშგების განმარტებითი შენიშვნები

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

12. ძირითადი საშუალებები

	მიწა	დაუმთავრებელი მშენებლობა	შენობა- ნაგებობები	მანქანა- დანადგარები	ოფისის აღჭურვილობა	სატრანსპორტო საშუალებები	სხვა ძირითადი საშუალებები	სულ
თვითღირებულება:								
2022 წლის 1 აგვისტო	60,000	-	719,242	1,489,032	82,642	43,666	13,948	2,408,530
დამატება	95,365	17,826	-	189,352	18,625	2,749	14,420	338,337
ჩამოწერა	-	-	-	-	-	(24,572)	-	(24,572)
2023 წლის 31 ივლისი	155,365	17,826	719,242	1,678,384	101,267	21,843	28,368	2,722,295
დამატება	-	167,599	8,749	188,178	1,525	10,610	10,623	387,284
ჩამოწერა	-	-	-	-	(12,012)	-	-	(12,012)
რეკლასიფიკაცია	-	-	-	(15,066)	20,770	(27,010)	21,306	-
2024 წლის 31 ივლისი	155,365	185,425	727,991	1,851,496	111,550	5,443	60,297	3,097,567
დაგროვილი ცვეთა:								
2022 წლის 1 აგვისტო	-	-	234,087	848,029	80,949	11,453	11,198	1,185,716
მიმდინარე წლის ცვეთა	-	-	36,435	161,999	4,988	3,270	2,692	209,384
ჩამოწერა	-	-	-	-	-	(7,481)	-	(7,481)
2023 წლის 31 ივლისი	-	-	270,522	1,010,028	85,937	7,242	13,890	1,387,619
მიმდინარე წლის ცვეთა	-	-	36,867	166,299	1,765	1,772	7,518	214,221
ჩამოწერა	-	-	-	-	(3,263)	-	-	(3,263)
რეკლასიფიკაცია	-	-	-	(48,058)	22,995	(3,963)	29,026	-
2024 წლის 31 ივლისი	-	-	307,389	1,128,269	107,434	5,051	50,434	1,598,577
წმინდა ღირებულება:								
2023 წლის 31 ივლისი	155,365	17,826	448,720	668,356	15,330	14,601	14,478	1,334,676
2024 წლის 31 ივლისი	155,365	185,425	420,602	723,227	4,116	392	9,863	1,498,990

2024 წლის 31 ივლისის მდგომარეობით მიწა, შენობა-ნაგებობები და მანქანა-დანადგარები საბალანსო ღირებულებით 155,365, 420,602 და 723,227 ლარი წარმოადგენდა გირავნობის საგანს. (2023 წლის 31 ივლისის მდგომარეობით, მიწის, შენობა-ნაგებობების და მანქანა-დანადგარების საბალანსო ღირებულებები: 155,365, 448,721, და 668,356 ლარი).

შპს „NUTSGE“

ფინანსური ანგარიშგების განმარტებითი შენიშვნები

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

13. მარაგები

	2024 წლის 31 ივლისი	2023 წლის 31 ივლისი
ნედლეული და მასალები	886,602	451,589
მზა პროდუქცია	436,012	709,979
შესაფუთი მასალები	166,218	106,390
სხვა მარაგები	99	1,530
მარაგები	1,488,931	1,269,488

საანგარიშგებო პერიოდში კომპანიამ 18,254,549 ლარის ნედლეული ჩამოწერა წარმოების მიზნით (2023: 15,384,547) (შენიშვნა 7).

14. სავაჭრო მოთხოვნები და გადახდილი ავანსები

	2024 წლის 31 ივლისი	2023 წლის 31 ივლისი
სავაჭრო მოთხოვნები	1,210,383	2,259,319
სავაჭრო და სხვა მოთხოვნები	1,210,383	2,259,319

კომპანია მომწოდებლებთან ანგარიშსწორებას ახორციელებს წინასწარ, მატერიალური მარაგების მიღებამდე:

	2024 წლის 31 ივლისი	2023 წლის 31 ივლისი
გადახდილი ავანსები	340,067	542,570
გადახდილი ავანსები	340,067	542,570

15. ფულადი სახსრები და მათი ეკვივალენტები

	2024 წლის 31 ივლისი	2023 წლის 31 ივლისი
ფული სალაროში	1,095	2,148
ფული ბანკში	299,619	308,110
ფულადი სახსრები და მათი ეკვივალენტები	300,714	310,258

შპს „NUTSGE“

ფინანსური ანგარიშგების განმარტებითი შენიშვნები

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

16. სესხები

	2024 წლის 31 ივლისი	2023 წლის 31 ივლისი
გრძელვადიანი სესხები		
გრძელვადიანი სესხები ბანკებიდან	-	16,449
გრძელვადიანი სესხები მესაკუთრე საწარმოსგან (შენიშვნა 20)	4,415,391	4,288,675
სულ გრძელვადიანი სესხები	4,415,391	4,305,124
მოკლევადიანი სესხები		
მოკლევადიანი სესხები ბანკებიდან	1,789,315	1,507,768
მოკლევადიანი სესხები მესაკუთრე საწარმოსგან (შენიშვნა 20)	8,388	20,042
სულ მოკლევადიანი სესხები	1,797,703	1,527,810
სულ სესხები	6,213,094	5,832,934
გადასახდელი პროცენტი		
გადასახდელი პროცენტი მესაკუთრე საწარმოს მიმართ (შენიშვნა 20)	827,086	288,264
სულ გადასახდელი პროცენტი	827,086	288,264
ფინანსური ხარჯი მესაკუთრე საწარმოს მიმართ (შენიშვნა 20)	614,013	420,299
ფინანსური ხარჯი ბანკები	248,586	294,069
სულ ფინანსური ხარჯი	862,599	714,368

17. სავაჭრო და სხვა ვალდებულებები

	2024 წლის 31 ივლისი	2023 წლის 31 ივლისი
სავაჭრო ვალდებულებები	668,083	544,531
გადასახდელი ხელფასები	79,114	49,630
სხვა სავაჭრო ვალდებულებები	-	25,307
სავაჭრო და სხვა ვალდებულებები	747,197	619,468

18. მიღებული ავანსები

	2024 წლის 31 ივლისი	2023 წლის 31 ივლისი
მიღებული ავანსები	519,725	1,321,857
მიღებული ავანსები	519,725	1,321,857

შპს „NUTSGE“

ფინანსური ანგარიშგების განმარტებითი შენიშვნები

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

19. საწესდებო კაპიტალი

2024 წლის განმავლობაში საწესდებო კაპიტალში ცვლილება არ განხორციელებულია და წარმოადგენს 916,812 ლარს (2023 წელს: 916,812)

20. დაკავშირებულ მხარეთა განმარტებითი შენიშვნები

დაკავშირებული მხარეები მოიცავს მფლობელებს, საერთო მფლობელობას და კონტროლს დაქვემდებარებულ საწარმოს, ასევე უმაღლესი რანგის ხელმძღვანელობის წევრებს.

კავშირის ტიპი	დაკავშირებული მხარეები
მფლობელი	შპს „გაზელ ფაინენს ჯორჯია“
მფლობელი	მამუკა ბერიაშვილი
საერთო კონტროლს დაქვემდებარებული საწარმოები	შპს ნატექსი
უმაღლესი რანგის ხელმძღვანელობა	გენერალური დირექტორი

კომპანიას გააჩნდა შემდეგი ბალანსები და ოპერაციები დაკავშირებულ მხარეებთან:

ნაშთები საერთო კონტროლს დაქვემდებარებულ საწარმოსთან:	2024 წლის 31 ივლისი	2023 წლის 31 ივლისი
გაცემული სესხები	370,910	363,200
მისაღები პროცენტები	3,332	
ნაშთები ფლობელებთან:		
გადასახდელი პროცენტი (შენიშვნა 16)	827,086	288,264
გრძელვადიანი სესხები (შენიშვნა 16)	4,415,391	4,288,676
მოკლევადიანი სესხები (შენიშვნა 16)	8,388	20,042
გადასახდელი ხელფასები	9,500	8,448
ტრანზაქციები საერთო კონტროლს დაქვემდებარებულ საწარმოსთან	2024	2023
შემოსავალი	-	2,415
საპროცენტო შემოსავალი	57,091	56,323
ტრანზაქციები ფლობელებთან		
ფინანსური ხარჯი (შენიშვნა 16)	614,013	420,299
	2024	2023
უმაღლესი რანგის ხელმძღვანელობის ანაზღაურება	81,250	119,111

21. პირობითი ვალდებულებები

სამართალწარმოებები - 2024 წლის 31 ივლისის მდგომარეობით, კომპანიას არ გააჩნია სამართლებრივი დავები გარდა შპს „აინუთ მაქინა იმალათი ორმან ურუნლერი ჰირდავათ გიდა თარიმ ურუნლერი სანაი ვე თიჯარეთ-სთან“, რომელიც 2023 წლის 31 ოქტომბერს, მორიგების აქტით დაიხურა. ყველა ვალდებულება, 2025 წელს თებერვლისთვის შესრულებულია.

ხელმძღვანელობა თვლის, რომ 2024 წლის 31 ივლისის მდგომარეობით, ადგილი არ ექნება არსებითი დაურიცხავი ზარალის დარიცხვას და შესაბამისად წინამდებარე ფინანსურ ანგარიშგებაში დარიცხული დავალიანებები სამართლიანად ასახავს გარემოებას.

გადასახადები საქართველოს საგადასახადო კანონმდებლობა და პრაქტიკა მუდმივად ვითარდება და შესაბამისად ის სხვადასხვა ინტერპრეტაციებს და ხშირ ცვლილებებს ექვემდებარება, რასაც შესაძლოა უკუქმედების ძალა ჰქონდეს. ამასთანავე, საგადასახადო ორგანოების მიერ კომპანიის ოპერაციებთან და საქმიანობებთან დაკავშირებული კანონმდებლობის ინტერპრეტაცია შეიძლება არ ემთხვეოდეს კომპანიის ხელმძღვანელობის ინტერპრეტაციებს. საგადასახადო პერიოდები ღია რჩება საგადასახადო უწყებების მიერ გადასახედად სამი წლის განმავლობაში. შედეგად, საგადასახადო ორგანოებმა შესაძლოა ექვეყნებუ დააყენონ გარიგებები, ხოლო კომპანია შეიძლება დაეკისროს დამატებითი გადასახადები, ჯარიმები და საურავები.

22. კომპანიის საოპერაციო გარემო

კომპანიის საქმიანობა კონცენტრირებულია საქართველოში. როგორც განვითარებადი ბაზარი, საქართველოს არ აქვს კარგად განვითარებული ბიზნესის ინფრასტრუქტურა და ნორმატიული ბაზა, რაც უფრო განვითარებულ საბაზრო ეკონომიკებს ახასიათებთ. საქართველოში ოპერაციები შესაძლოა მოიცავდეს რისკებს, რომლებიც, ჩვეულებრივ, არ არსებობს განვითარებულ ბაზრებზე, მათ შორის რისკს, რომ ქართული ლარი არ არის თავისუფლად კონვერტირებადი ვალუტა ქვეყნის ფარგლებს გარეთ, არსებობს ვალუტის გაცვლითი კურსის მერყეობის რისკები, და სასესხო და კაპიტალის ბაზრები არ არის სათანადოდ განვითარებული. თუმცა, ბოლო რამდენიმე წლის განმავლობაში, საქართველოს მთავრობამ მნიშვნელოვანი ნაბიჯები გადადგა საბანკო, სამართლებრივი, საგადასახადო და მარეგულირებელი სისტემების ჩამოყალიბებისათვის საჭირო რეფორმების სახით.

მოსალოდნელია ბიზნესგარემოს გაუმჯობესებისკენ მიმართული არსებული ტენდენციის გაგრძელება. ქართული ეკონომიკის მომავალი სტაბილურობა დიდწილად არის დამოკიდებული რეფორმებზე და იმაზე, თუ ქვეყნის ხელისუფლების მიერ გადადგმული ნაბიჯები რამდენად იქნება ეფექტური ეკონომიკური, ფინანსური და ფულადი-საკრედიტო პოლიტიკის განვითარებისათვის.

შპს „NUTSGE“

ფინანსური ანგარიშგების განმარტებითი შენიშვნები

2024 წლის 31 ივლისით დასრულებული საანგარიშგებო წლისთვის

(ცხრილში ციფრები მოცემულია ლარში)

23. ფინანსური ანგარიშგების დამტკიცება

ფინანსური ანგარიშგება დამტკიცდა დირექტორის მიერ და მის გამოშვებაზე ნებართვა გაიცა 2025 წლის 17 აპრილს.